



3. oktober 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Svend Hardenbergip Nukissiorfinni pisortatut tunuarnerminut nassuiaataa pillugu Naalakkersuisunut apeqqutit**

(Inatsisartunut ilaasortaq Jens B. Frederiksen, Demokraatit)

**Tungavilersuut**

Maannakkut Naalakkersuisut Siulittaasoqarfianni pisortaq ilisimaneqartutut Nukissiorfinni pisortaanikuuvoq. Taamatut atorfirmiinit soraarpoq 2011-mi.

Svend Hardeberg isumaqarpoq pingaaruteqartoq nassuaammi, taasami "Nukissiorfinni ingerlasimaneq pillugu nassuiaat"-p tamanut saqqummiunneqarnissaa. Nassuiaatip tamanut saqqummiunneqarneranut atatillugu Sermitsiaq.ag-mi apersorneqarpoq. Tamatuma kinguneranik tallimannorneq 20. september aallarnerfigalugu allaaserisaaq [www.sermitsiaq.ag-p](http://www.sermitsiaq.ag-p) nittartagaani atuarneqarsinnaalerpoq, qulequtaqartoq: "Svend Hardenberg: Taamaamat Nukissiorfiit qimappara". Tassani allaaserisami ilaatigut Svend Hardenberg imatut oqarpoq:

*"Soorunami uannk nikanarsarusuttoqarpoq. Taamaamat inoqarpoq tusagassiutinut paasissutissanik tunioraasunik. Tusagassiutinilu tamanna siunertaq malinneqarpoq, takutikkusullugu, isornartorsiuisinnaallutik. Taamaamat kukkunersiuisut nalunaarutaat april 2011-meersoq, taamani pisortaqarfimmi pisortaasumit imissutigineqartoq takuneqarsinnaalerpoq – naak taanna nalunaarut ukiut kingullit marluk ingerlanerini kimilluunniit soqutigineqarsimanngikkaluartoq".*

Erseqqissaatigissavara, uanga imaluunniit Demokraatini ilaasortat allat kissaatiginngilluinnarmassuk Svend Hardenbergimik allanilluunniit nikanarsaanissaaq. Paarlattuanik soqutigaarput inatsisit malittarisassallu atuuttut malinneqarsimanersut. Tamatumunnga atatillugu Svend Hardenberg Naalakkersuisullu oqarfigissavakka pisimasooq pillugu malinnaajunnaarnaviannnginnatta apersorunnaarnaviaratalu, inuit



ataasiakkaat malersorneqartutut misigisimanerat pissutiginnarlugu.

Svend Hardenbergip nammineq paasissutissiissutai kiisalu illuantungeriit nipangiussisimasussaataitanermikk [www.sermitsiaq.ag-mi](http://www.sermitsiaq.ag-mi) tallimanngornermi ulloq 20. september sumiginnaanerisa kingorna kaammattuutigaara, nammineerluni 2009-mi imminut Nukissiorfinni pisortaagallarami avoqqaarliutaasoq tamanut saqqummiutissagaa taamatullu Nukissiorfinni pisortaajunnaarnermut atatillugu illuatungeriit isumaqatigiissutaat eqqartuussissuserisunit suliarineqarnikuusoq. Naak pisortaqarfimmi pisortap pineqartut issuaavigisimagaluaaraat taamaasillunilu ilaannakoortumik tamanut saqqummiullugit, suliamut tunngasunik pappiaqqanik tamanut saqqummiusseqqusillunga kaammattuutiga qisuariarfiginngilaa, saqqummiussisuuppat innuttaasut Inatsisartunilu ilaasortat suliat ataasiakkaat nammineq nalilersorsinnaassagaluaratigit.

Naalackersuisut pappiaqqat saqqummiukkusunnigipatigit innnut ataasiakkaanut tunnganerat tunngavilersuutigalugu paaserusuppara, Naalackersuisut isumaqarnersut ajunngitsoq atorfillip pineqartup iluaqutigisinnaasani nammineerluni saqqummiummagit.

Taamatut oqareerlunga isumaqarpunga Svend Hardenbergip nassuiaata arlalitsigut soqutiginaateqartoq aamma apeqqutinik arlalinnik puttallartitsivoq taakkulu Naalackersuisunut akeqquakka ullut sulliviit naliginnaasut qulit qaangiutsinnagit.

**1. Kukkuersiuisut ulloq 08. april 2011 nalunaarusiaat qulequtaqartoq "Nukissiorfiit – immikkut misissuineq" Naalackersuisut nammineerlutik saqqummiunniarpaat? Taamaangippat matumuuna tassani kukkuersiuisut nalunaarusiaanni allattugaatit takorusullugit qinnuteqarpunga.**

**2. Naalackersuisut isumaqarpat, Svend Hardenbergip Nukissiorfinni pisortatut soraarneranut atatillugu nipangiussisimasussaataitanermut isumaqatigiissutaasimasinnaasut tamarmik atorunnartut pissutigalugu Svend Hardenbergip nammineerluni nassuiaata qulequtaqartoq "Nukissiorfinni ingerlasimaneq pillugu nassuiaat"?**

**3. Kukkuersiuisut immikkut misissuinissamut kissaateqartillugit naliginnaavoq kukkuersiuisut sullivimmi pineqartumi pisortanut nammineerlutik saaffiginnittarnerat. Suna pissutaava kukkuersiuisut**



2011-mi Ineqarnermut Attaveqarnermullu Pisorta qarfimmu saaffiginnissimmata, toqqaannartumik Nukissiorfiit pisortaanut Svend Hardenbergimut saaffiginnigatik?

4. Oluf Jørgensenip, tamanit ilisarimaneeqartoq naalagaaffimmi pisortat ingerlatsinerannut ilisimasaqarnerpaatut, Svend Hardenbergip nassuiaataa eqqumiigaa. Isuma qarpoq immikkoorluinnartoq atorfikkaap tusagassiutit sunnearnisarisimmagat allattugaatinik takorusuisut qinnuteqarnerisa nalaani aamma isuma qarpoq Svend Hardenbergip atorfini atornerlussimagaa, ilisimagamiuk allattugaatinik takorusuisumik qinnuteqartoqarnikuusoq. Oluf Jørgensenip isornartorsiuinera Naalakkersuisut isumaqatigaat aamma atornerluisimaneq Svend Hardenbergimut arlaatigut kinguneqartariaqaraluartoq Naalakkersuisut isuma qarpat? Naalakkersuisut Oluf Jørgensen isumaqatiginngippasuk, Naalakkersuisut qinnuigineqarput tunngavilersueqqullugit nassuiaqqullugulu Oluf Jørgensen sutigut kukkusimanersoq?

5. Naalakkersuisut pilersaaruteqarpat 2009-mi Svend Hardenbergimut avoqqaarliutaasoq tamanut saqqummiunnarlugu taamatullu isumaqatigiissut Nukissiorfinni pisortaajunnaarnermut atatillugu illuatungeriit isumaqatigiissutaat eqqartuussissuserisunit 2011-mi Svend Hardenberg pisortatut soraarmat suliarineqarnikuusoq, pisorta qarfimmimi pisortap nammineerluni issuaaffigeermagu taamaasillunilu illuatungeriit nipangiussisimasussaatitaanerit nassuiaammimi "Nukissiorfinni ingerlasimaneq pillugu nassuiaat" suminginnarmagu?

6. Naalakkersuisut Svend Hardenbergimut tunngatillugu immikkut iliuuseqalersaarpat, Naalakkersuisut kissaatiginngippasuk allattugaatinik saqqummiussinissartik oqarlutik pineqartut inummut ataatsimut tunngavallaartut, naak pisorta qarfimmi pisortap nammineerluni illuatungeriit nipangiussisimasussaatitaanerit sumiginnaraluraa?